

**UNIVERZITET U SARAJEVU**  
**- SENAT -**

Broj: 01-38-2720/12

Sarajevo, 14. 11. 2012. godine

**Z A P I S N I K**  
**SA 3. SJEDNICE SENATA**  
**ODRŽANE 14. 11. 2012. GODINE**

Prisutni članovi Senata: prof. dr. Muharem Avdispahić, rektor, prof. dr. Dženan Đonlagić i prof. dr. Ugo Vlasisavljević, prorektori, prof. Marina Finci, prof. Zijad Mehić, prof. dr. Rada Čahtarević, prof. dr. Željko Šain, doc. dr. Irfan Turković (po ovlaštenju dekana), prof. dr. Zuhdija Hasanović, prof. dr. Zenaid Đelmo (po ovlaštenju dekana), prof. dr. Šaćir Filandra, prof. dr. Ifet Mahmutović (po ovlaštenju dekana), prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Nijaz Ibrulj, prof. dr. Mustafa Hrasnica, prof. dr. Ejub Džaferović, prof. dr. Nedžad Mulabegović, prof. dr. Uzeir Bavčić, prof. dr. Mirsad Kurtović, prof. dr. Rifat Škrijelj, akademik Dejan Milošević (po ovlaštenju dekana), prof. dr. Milka Maksimović, prof. dr. Sead Redžepagić, prof. dr. Mirza Dautbašić, prof. dr. Nihad Fejzić, prof. dr. Munib Tahirović, prof. dr. Pavo Jurišić, te dr. Ismet Ovčina (NUB) i Ahmed Nurković (SPUS).

Ostali prisutni: doc. dr. Mevludin Mekić, predsjednik Nadzornog odbora Univerziteta u Sarajevu, gospođa Azra Zvizdić, dipl. iur., vršilac dužnosti generalnog sekretara, gospodin Kenan Filipović, dipl. iur., gospođa Almasa Tuhčić, dipl. iur., i gospodin Mirnes Ibrić, dipl. iur., Služba za pravne poslove Univerziteta u Sarajevu.

Odsutni: prof. Mirjana Papić-Hrkaš, prof. dr. Hajrija Sijerčić-Čolić, prof. dr. Ivo Komšić, prof. dr. Esad Duraković i prof. dr. Zoran Hadžiahmetović (KCUS), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić, na čiji je prijedlog usvojen sljedeći

**D N E V N I R E D**

1. Usvajanje Zapisnika sa 2. sjednice Senata Univerziteta u Sarajevu od 31. 10. 2012. godine
2. Osiguranje zakonitosti rada tijela Univerziteta u Sarajevu
3. Imenovanje Etičkog savjeta Univerziteta u Sarajevu
4. Informacije

## TOK SJEDNICE

### **Ad-1.**

Jednoglasno je usvojen Zapisnik sa 2. sjednice Senata Univerziteta u Sarajevu od 31. 10. 2012. godine.

### **Ad-2.**

Povodom razmatranja osiguranja zakonitosti rada tijela Univerziteta u Sarajevu vodila se diskusija u kojoj su učestvovali prof. dr. Rifat Škrijelj i prof. dr. Zenaid Đelmo.

Nakon okončane diskusije članovi Senata su jednoglasno usvojili zaključke koji će biti upućeni predsjedavajućoj Skupštine Kantona Sarajevo, zastupnicima u Skupštini Kantona Sarajevo, Vladi Kantona Sarajevo, a u formi saopćenja za javnost proslijeđeni i sredstvima javnog informiranja (dopisi se nalaze kao prilog 1. Zapisnika), kao i kulturnim atašesima ambasada zemalja članica PIC-a u Bosni i Hercegovini.

Članovi Senata su se upoznali i sa sadržajem dopisa, koji je putem faksa Ministarstva za obrazovanje, nauku i mlade Kantona Sarajevo proslijeđen Univerzitetu u Sarajevu od prof. dr. Samira Arnautovića, a u formi obavijesti o održavanju sjednice „v. d. Upravnog odbora Univerziteta u Sarajevu“ (obavijest se nalazi kao prilog 2. Zapisnika).

Za riječ su se javili prof. dr. Sead Redžepagić, Ahmed Nurković i doc. dr. Mevludin Mekić.

Konstatovano je da na ovakve dopise ne treba reagovati, te da je jasan stav Senata Univerziteta u Sarajevu da se na ovakve ili slične dopise i odluke koje su nelegalne, nelegitimne i formalno neispravne ne treba osvrutati niti prema njima postupati.

Predsjednik Studentskog parlamenta Univerziteta u Sarajevu je ponovio punu podršku Studentskog parlamenta legalno izabranom rukovodstvu Univerziteta. Predsjednik Nadzornog odbora je istakao da je, prema provedenim pravnim analizama, izbor rektora za mandatni period 2012–2016. izvršen na legalan i legitiman način. Iskazao je svoje zadovoljstvo spoznajom o jedinstvenosti i istrajnosti Senata Univerziteta u osiguranju zakonitosti rada tijela Univerziteta.

### **Ad-3.**

Članovi Senata su, na prijedlog prof. dr. Muharema Avdispahića, jednoglasno donijeli

## **ODLUKU o imenovanju Etičkog savjeta Univerziteta u Sarajevu**

Imenuju se članovi Etičkog savjeta Univerziteta u Sarajevu, kako slijedi:

1. prof. dr. Ugo Vlajsavljević, prorektor
2. prof. dr. Nermina Mujagić (Fakultet političkih nauka, Grupacija društvenih nauka)
3. prof. dr. Fikret Karčić (Fakultet islamskih nauka, Grupacija humanističkih nauka)
4. prof. dr. Dijana Avdić (Fakultet zdravstvenih studija, Grupacija medicinskih nauka)
5. prof. dr. Samir Čaušević (Fakultet za saobraćaj i komunikacije, Grupacija tehničkih nauka)
6. prof. dr. Dejan Milošević, dopisni član ANUBiH-a (Prirodno-matematički fakultet, Grupacija prirodno-matematičkih i biotehničkih nauka)

7. prof. Haris Pašović (Akademija scenskih umjetnosti, Grupacija umjetnosti)
8. direktor Centra za ljudska prava Univerziteta u Sarajevu i
9. predsjednik Studentskog parlamenta Univerziteta u Sarajevu.

#### **Ad-4.**

##### **Informacije**

a) Članovi Senata su se upoznali sa spiskom nagrađenih diplomanata i magistranata na Univerzitetu u Sarajevu za akademsku 2011/2012. godinu, kao i brojčanim podacima po fakultetima/akademijama i nivoima studija o promoviranim 10. novembra 2012. godine. Brošura sa nominalnim spiskovima diplomanata i magistranata na Univerzitetu u Sarajevu za akademsku 2011/2012. godinu bit će dostavljena svim članicama i pridruženim članicama Univerziteta.

b) Rektor je informirao Senat o u međuvremenu održanim razgovorima u vezi sa Kampusom Univerziteta u Sarajevu. Istaknuo je da se ušlo u vrlo ozbiljne aktivnosti oko projekta izgradnje univerzitetske biblioteke Univerziteta u Sarajevu i da će biti pokrenut proces dobijanja urbanističke saglasnosti za izgradnju navedenog objekta. Od osnivača se očekuje puna podrška realizaciji ovog projekta.

U vezi sa pitanjem snabdijevanja toplotnom energijom korisnika „Unis Energetike“ koji imaju sjedište u Kampusu Univerziteta, rektor je izvijestio senatore da će se krenuti u aktivnosti oko realizacije Odluke Vlade Kantona Sarajevo iz 2011. godine, kojom je „Unis Energetici“ naloženo da kotlovnici preda na korištenje KJKP „Toplane Sarajevo“.

Prof. dr. Muharem Avdispahić je naglasio da će se kroz usvajanje novog pravilnika o sistematizaciji Univerziteta u Sarajevu riješiti i određena statusna pitanja centara koji djeluju u sklopu Univerziteta u Sarajevu. S tim u vezi je istakao da je kroz analizu zatečenog stanja primijećeno da se centri ponašaju kao da su pravna lica, što je u suprotnosti s njihovim stvarnim statusom.

Sjednica je završena u 14,00 sati.

#### **Rektor**

**Prof. dr. Muharem Avdispahić**

Zapisničar:

Alma Voloder-Madacki